



A kuri ku va na nhwanyana, loyi a va ku i Maṭodzi.

Maṭodzi a tshama emugangeni na mana na kokwana wa yena.



Siku rin'wana mana wa Maṭodzi a kombela Maṭodzi ku fambisa hungu eka kokwana wa yena emugangeni wun'wana.

"U landzelela patu leri hi toloveleke ku famba ha rona," mana wa yena a n'wi tsundzuxa.



Maḡodzi a landzelela patu ra ntolovelu ku ya emutini wa kokwana wa yena ku fikisa hungu.

Loko a ri endleleni a tlhelela ekaya, u twile xiritwana ekusuhi xi ku, "Ndzi kombela ku pfuniwa."



Maṭodzi a halahala kutani a vona manana a etlele etlhelo ka patu.

U xewetile manana loyi, kutani a vutisa, “Hikwalaho ka yini u etlela laha?”



“A ndzi na matimba naswona ndza vabya, ndzi le kule swinene na le kaya.”

Maṭodzi a n’wi twela vusiwana.



“Ndzi ta famba na wena ekaya ka mina hikuva i kusuhi,” ku vula Maṭodzi a byela manana.

Maṭodzi u pfunetile manana ku tlakuka. Va fambile hi ku nonoka swinene va kondza va ya fika.



Maṭodzi, mana wa yena na kokwana va hlayisile manana loyi a kondza rihanyo ra yena ri antswa.



Manana u khensile swinene ku va va n'wi hlayisile.

U ndhundhuzerile Maḡodzi ku va a vile na xivindzi no n'wi twela vusiwana.



Manana a ku eka Maṭodzi na ndyangu wa yena, “Ndzi nga ka ndzi nga rivali leswi mi ndzi endleleke swona.”

Endzhaku ka loko ku ta va ku hundzile masiku manharhu, ndzi lava leswaku mi vula swilo swimbirhi leswi mi swi navelaka.”



Endzhaku ka masiku manharhu, Maṭodzi, mana wa yena na kokwana wa yena va vurile ku navela ka vona.

Ku navela ka vona ko sungula a ku ri ku va na yindlu yo saseka.



Ku navela ka vumbirhi, ka ku ri ku va na nhova etlhelo ka muti wa vona, leswaku va nga ha fambi va lava tihunyi.

Ku navela ka vona ku endlekile hi laha manana a nga vula ha kona.



Maṭodzi na ndyangu wa yena va tshamile hi ku tsaka
endlwini ya vona yo saseka etlhelo ka nhova.